

CONFERENCIA DI FADA ARUBA “MIND MATTERS”

“E tema di e aña aki “Note to Myself – We Need to Talk”, ta un recordatorio fuerte cu cuida bo salud mental no ta un luho, pero un necesidad, pa asina abo por yuda tur esnan cu ta depende di bo”



WWW.SOLODIPUEBLO.COM



SOLODIPUEBLO@GMAIL.COM

SONALY ACOSTA (AVP) A LAGA PARLAMENTO PA BAI TRAHA CU MINISTER

A cambia voto di pueblo pa
dobbel salario



Otmar Oduber di PPA:
**“UN SOÑO CU A BIRA
 REALIDAD – SECRETS TA
 DUNA BIDA NOBO NA
 SAN NICOLAS”**

SUZUKI SX A BOLTER NA DIAMANTBERGWEG



Diamantbergweg - Diadomingo pa dialuna algo prome cu mey anochi polis a bay Diamantbergweg, pa un auto cu a bolter.



ANUNCIO

En conexon cu Dia di Ascension, SETAR ta informa cu su oficianan y teleshopnan lo ta cera:

- Diahuebs 29 di mei 2025
- Diabierna 30 di mei 2025

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of Whatsapp na 597-9999.



Desaroyando nos agentenan policial

POLIS DI ARUBA Y CORSOU A PARTICIPA NA CURSO DI SEGURIDAD DI BOM



M A C U A R I M A , Aruba ta keda inverti
ARUBA: Cuerpo Policial continuamente den su



polisnan cu diferente cursonan pa fortalece nos Cuerpo. Esaki ta e vision cu Altocomisario Ramon Arnhem tin, dor di inverti constantemente den e agentenan policial cu cursonan pa asina nos Cuerpo ta bon entrena riba diferente materia.

Recientemente 6 polis di


Cuerpo Policial Aruba y 2 di Cuerpo Policial Corsou a forma parti di e curso di Verkenner CBRN Explosievenveiligheid.

E curso a wordo organisa y duna dor Defensa Hulandes. Despues di un curso basta intensivo tur polis di KPA y di KPC a logra pasa nan examen

cu exito. Den presencia di altocomisario interino Gordon cada cursista a hayanan certificado.

Cuerpo Policial Aruba ta felicita nos coleganan policial pa nan trabou duro y esfuerso como tambe ta orguyoso di cada un di nan.

SUZUKI SX A BOLTER NA DIAMANTBERGWEG



Diamantbergweg -
Diadomingo pa dialuna algo prome cu mey anochi polis a bay Diamantbergweg, pa un auto cu a bolter.

Polis a yega net na e t-kruising cu Grote Bergweg y ta mira un Suzuki Sx cu hopi danjo material. E chauffeur

segun nos a compronde lo a wordo saca di e vehiculo durante e impacto.

Ta asina cu e auto aki lo a dal contra un cura di cas tambe, y manera a bisa caba e chauffeur a ser benta pafu di e auto.

A pidi ambulance cu urgencia y na e sitio a presenta 2 ambulance.

Paramediconan mesora a atende cu e chauffeur herida y sali direccion Hospitaal.

Agentenan na e sitio a pidi pa polis di trafico segun nos por a compronde eynan.



SONALI ACOSTA (AVP) A LAGA PARLAMENTO PA BAI TRAHA CU MINISTRO

A cambia voto di pueblo pa dobbel salario



Den un movecion inespera cu a keda anuncia via un notificacion pa prensa, parlamentario Sonali Acosta di AVP a bisa cu e lo retira su mes for di Parlamento di Aruba pa fecha 1 di juni. E motibo? Un oferta di trabou mas lucrativo den gabinete di e

mesun gobierno cu e mes a compromete pa controla como parlamentario.

Segun e informacion, Sonali lo bai traha cu Ministro di Asunto Social como sectetaria ehectivo, un funcion cu ta trece casi un dobbel salario compara

cu loke un miembro di parlamento ta gana actualmente.

E move aki ta un klap di traicion riba e confianza di pueblo. Pueblo a vota pa Sonali pa representa nan interes den Parlamento – un di e posisionnan mas honra y fundamental den nos sistema democratico. Awe, e ta laga es posicion pa traha cu ministro, un cambio frontal di rol: di “watchdog” pa asistente di e mesun poder ehecutivo cu e tabata suppose di controla.

Ta cla: e no ta satisfecho cu su salario actual, ni cu e responsabilidad sagrado di representa e voz di su pueblo. E ta bai pa mas placa. Un hamber pa ganashi personal a usando e compromiso publico.

E accion aki no solamente ta un deseo pa mas salario, pero tambe por wordo mira como un tipo di suicidio politico. Si un hende ta bende su stoel den Parlamento pa un puesto administrativo, kico ta stroba esey pa

bolbe sosode den futuro? Y kiko a keda di e “promesa” pa traha pa pueblo?

Na Solo di Pueblo nos ta laga cla: Sonali nunca mas mester bay un campaña electoral. Pasobra si bo por laga un posicion den Parlamento pa un cheque mas grandi, bo no ta digno di e voto di pueblo.

Un gran lamento pa democracia, un oportunidad menos pa nos pueblo, y un alerta pa futuro: wak pa ken bo ta vota.

Clasificados










SOLODIPUEBLO@GMAIL.COM

CEL.585 9500





Join our growing HR team and contribute to building a workplace where people thrive—right here at the Aruba Tourism Authority.

We are looking for

HR Officer – Administrative & Front-Line Support

As the A.T.A. grows, the HR Unit is working to further strengthen its impact by supporting our people, driving performance, and nurturing a purpose-driven culture.

The HR Officer – Administrative & Frontline Support reports directly to the HR Manager and is responsible for the operational execution of HR policies, plans, programs, and systems. This role provides hands-on support in coordinating recruitment and onboarding processes, managing employee administration and benefits, and executing employee engagement initiatives that contribute to a positive global organizational culture.

Interested and eligible candidates can submit their application and motivation letter via our Career Portal.

Deadline for applications is June 13, 2025.



SCAN ME!
And visit our Career Portal for more information about the positions and requirements.

Parlamentario Evelyn Wever-Croes

CONFERENCIA DI FADA ARUBA “MIND MATTERS”

“E tema di e aña aki “Note to Myself – We Need to Talk”, ta un recordatorio fuerte cu cuida bo salud mental no ta un luho, pero un necesidad, pa asina abo por yuda tur esnan cu ta depende di bo”

- Parlamentario Evelyn Wever-Croes hunto cu Parlamentario Xiomara Maduro y demas coleganan di partido MEP, a atende e di dos conferencia di FADA “Mind Matters” cu tabata un exito rotundo. E tema di e aña aki tabata “Note to Myself – We Need to Talk”, cu ta un recordatorio fuerte cu cuida bo salud mental no ta un luho, pero un necesidad pa asina abo por yuda tur esnan cu ta depende di bo.

Durante e conferencia esnan presente por a scucha testimonionan hopi emocional, na unda

nan a comparti nan storia, retonan y nan experiencianan pa cu salud mental. Esaki tabata un momento di hopi emocion na unda hopi di esnan sinta den e sala por a relata e storianan aki na nan mesun situacion. Tambe esnan presente a haya varios metodonan c unan por uza pa asina yuda nan mes atende cu trauma den nan bida y principalmente con pa cura esaki.

Parlamentario Wever-Croes a expresa cu si nos cada un por atende cu nos salud mental na tempo, e lo evita hopi problema den



futuro. “mi ta contento di a mira e sala completamente yen y cu asina tanto hoben” cu a bin pa scucha y siña riba un topico asina importante. Hopi di nan a bay cu informacionnan valioso di con pa papia cu nan mes en caso tal nan

haya nan mes confronta cu cualkier trauma den nan bida.

“E gobierno di Gabinete Wever-Croes a pone hopi atencion na salud mental y p’esey awe como parlamentario,

ami Evelyn Wever-Croes hunto cu mi coleganan di fraccion di MEP ta sigui sostene e iniciativanan aki. Masha pabien FADA cu e conferencia exitoso aki” Lider di MEP Evelyn Wever-Croes a duna di conoce

ARUBA TA ASISITI NA E DI DOS EDICION DI CARIBBEAN CLIMATE & ENERGY CONFERENCE 2025

Delegadonan di varios pais Caribense ta na Corsow pa asisti na e di dos edicion di e Conferencia Caribense di Clima y Energia cu ta tuma luga dia 26, 27 y 28 di mei, den cual ta enfatisa e necesidad urgente pa colaboracion regional y internacional pa combati cambio climatico.

PromeMinisterMikeEman, hunto cu Prome Minister di Corsow Pik Pisas, Premier di Sint Maarten Luc Mercelina y Minister di Clima di Hulanda Sophie Hermans, ta forma parti di e Caribbean Climate & Energy Conference 2025 y ta duna inicio na un proceso importante di dialogo cu tur

esnan cu tin un rol crucial den e rumbo pa futuro di nos Reino Hulandes. E Caribbean Climate & Energy Conference ta habri e caminda pa trata asuntonan vital manera cambio climatico, su impacto real riba nos islanan y e esfuersonan urgente pa transforma nos dependencia di energia fosil pa energia limpi y renovabel.

Durante e conferencia, Prome Minister Eman lo presenta e Plan Nacional di Reforestacion pa Aruba. Segun e Prome Minister, hopi biaha e enfoke di desaroyo



berde ta riba e aspecto di energia renovabel, pero reforestacion tambe ta un parti crucial den e transformacion sostenibel. Aruba a perde gran parti di su naturalesa durante añanan di desaroyo acelera,

y e momento a yega pa trece cambio den e direccion aki cu ya no ta sostenibel.

Mision di Aruba den e conferencia aki ta planta e simia di e vision ambicioso

di e Plan Nacional di Aruba, y atrae instancianan cu por duna un aporte valioso pa logra e gran meta ambiental aki na nos isla, pero tambe pa planta e pensamiento aki cerca e otro islanan den region.

Hala un Rosea di alivio!

Debe cu interes halto ta pisa riba bo?

Descubri con nos por yuda bo consolida bo debenan y spar placa!

pa mas informacion subi:
eamigo.com

SCAN ME



**Pone mas placa den bo cartera
y hala un rosea di alivio!**

Tuma contacto cu nos awe mes pa un consulta gratis!



Presta responsabel

E promocion aki ta valido te cu 30 di mei 2025.

Prestamo personal "Alivio!" tin un interes efectivo di 16.00% p.a., mientras cu e duracion ta minimo di 3 aña cu un maximo di 5 aña. Despues di e campaña, e interes efectivo lo bai bek na e porcentahe regular di 16.5% p.a.

Prestamonan cu no ta cumpli cu e rekisito minimo di e suma di Afl. 15,000.00 of e termino di pago minimo di 3 aña lo no yega na remarca pa haya e interes efectivo reduci di 16.00% p.a. cu ta parti di e promocion aki.

Clientenan existente mester aplica y wordo aproba pa un minimo di Afl. 10,000.00 na fondonan nobo y cu un termino di pago di minimo 3 aña. Mientras cu e prestamo existente mester ta minimo un aña bieu.

Cada aplicacion, sea ta nobo of existente, lo wordo evalua segun su propio meritonan, y segun normanan y reglanan standard di Caribbean Mercantile Bank N.V.

Condicionnan di empleado no ta aplicable pa e oferta aki.

Un gasto di administracion lo wordo cobra igual na Afl. 165.00 pa e prome aña di e prestamo, y Afl. 140.00 pa cada aña adicional.

Un seguro di riesgo lo wordo cobra igual na 4% di e suma di e prestamo, mas e interes y gasto di administracion cu un maximo di Afl. 900.00.

Den caso cu prestamonan personal wordo cancela prome cu e termino acorda, Caribbean Mercantile Bank N.V. lo no restitui ningun gasto cu a wordo cobra caba (manera pero no limita na gastonan di administracion, seguro di riesgo y refinanciamiento) y ta reserva e derecho di cobra un boet di 3 luna di interes ariba e suma di e suma di pago cu un minimo di Afl. 500.00 depende si cancelacion ta dentro of despues di 6 luna di e fecha cu ricibi e notificacion por escrito.

Caribbean Mercantile Bank N.V. ta reserva e derecho di por cancela e promocion aki na cualkier instante. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.

Otmar Oduber di PPA: “UN SOÑO CU A BIRA REALIDAD – SECRETS TA DUNA BIDA NOBO NA SAN NICOLAS”



Un idea cu a nace mas di seis aña pasa, un lucha contra hopi obstaculo y duda di tanto desaroyadonan como e inversionistanan, finalmente a bira realidad: e luhoso hotel Secrets, ta casi pa habri su portanan na San Nicolas. Miembro di Parlamento, Otmar Oduber, representante di PPA, por wak bek atras cu hopi orguyo henter e desaroyo aki, di cual el a guia for di su inicio y awor ta wak e culminacion. Un resultado cu lo tin un gran impacto positivo riba e comunidad local y specialmente di San Nicolas y becindario. Un lucha largo pa San Nicolas

For di tempo cu Otmar Oduber tabata minister pa partido di AVP, el a cuminsa cu e lucha pa un hotel di calidad y renombre internacional pa San Nicolas. E tempo ey el a inicia cu Bahia Principe, unda hasta tabatin un MoU, letter of intent, firma, pero na caminda desaroyo a cambia. “A tuma varios aña di negociacion, sosteni pa hopi rapport tecnico di AIB y PWC pa ilustra e beneficio pa Aruba. Mi no a perde fe y confiansa y mi a sigui lucha y busca te ora mi a haya e grupo adecuado, cu ta kere cu lo bira un bon bisiña pa Aruba,” Oduber a agrega. Secrets mas cu djis un hotel



Otmar a kere den Secrets for di prome dia. “Seis aña pasa nos a bay Republica Dominicana pa convence e desaroyadornan y inversionistanan. E grupo Martinon ta esun adecua y awor cu nan a haya Hyatt como e cadena hotelero cu lo bay oper’e, Aruba y San Nicolas a gana.”

E resultado actual: casi 700 Arubiano ta trahando riba e tereno y e apertura oficial lo ta dia 5 di juni. Ta impresionante pa experiencia, cu 6 aña pasa, parlamentario Otmar Oduber tabata para riba e mesun caminda, ta muestra via papel un vision riba un espacio bashi y awor por observa un resort luhoso

di nivel mundial, cu lo genera mas di 300 empleo fiho, creando un efecto enorme di economia den henter e zona.

Segun Oduber, e impacto ta mas cu djis empleo. “Hende ta spaar te 600 florin pa luna den transporte, nan por cumpra comestible, paña y mas rond di su cas mes. Ta un ripple effect real,” el a expresa.

Un vision y soño realisa

A warda mas di 40 aña pa un desaroyo real. E ora a yega! Diferente gobierno a bay y bin y hasta a pone 3 bloki, pero nada mas. “Para kinan bo ta wak dos proyecto cu tambe ta nos a prepara den e plannan den e ROP e tempo ey, pa loke

ta trata distribucion na San Nicolas y awor ta den construccion. Si bo mira un tiki mas pabou, tabatin un ruina di condominio bandi Rodgers Beach, cu tin hopi tempo para y awor tambe a conoce un desaroyo. Pero mi no a laga e idea muri. Mi a sigui lucha y awe, e pueblo mes por wak mi vision,” Otmar a expresa cu hopi emocion y orguyo. Otmar Oduber y e fraccion di PPA ta muestra, cu ora ta combina persistencia cu plan strategico, resultado grandi ta bin. “Secrets ta un soño di nos tur y Aruba, specialmente San Nicolas y becindario lo beneficia di su fruto,” el conclui.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Horacio Oduber Hospital y Setar NV ta firma acuerdo:

TUR INFORMACION DI PASHENT SIGUR DEN DATACENTER NA ARUBA MES



Algun luna pasa Horacio Oduber Hospital (HOH) a anuncia e proyecto importante pa loke ta implementacion di su sistema electronico di pashent (EPD) nobo di e compania Hulandes Chipsoft cu e programa HiX. Un paso importante den loke ta optimalisacion di procesonan di data y cuido. E siguiente paso importante ta pa busca un compania pa 'host' e data di Hospital. Despues di a busca diferente opcion internacional, sr. Gregory Croeze, miembro di Hunta di Directiva di HOH a indica cu a haya e opcion na Aruba mes, esta nos compania local Setar NV. Durante un mainta ameno Directiva di HOH hunto cu Directiva di Setar a bini hunto pa asina concretisa e acuerdo aki. Sr. Jacco Vroegop, Presidente di Hunta di Directiva tabata sumamente contento cu a logra yega na un acuerdo cu nos compania local Setar NV. E enfoke di e acuerdo ta pa sigui mantene seguridad di informacion di nos pashentnan den e EPD nobo, cu tambe ta parti di e calidad di cuido cu hospital ta brinda.

Inindicadornan importante pa e compania por 'host' informacion asina

sensitivo di pashent ta sigur e seguridad di data, certificacion internacional di capacidnan di 'datacenter' y un sistema cu ta brinda diferente conexcion den e red pa asina evita cualkier interrupcion. Hospital ta sumamente contento paso Setar a entrega un oferta atractivo cu ta cumpli cu tur e rekisitonan y di e forma aki e data por keda Aruba mes. Tur pashent por ta sigur cu nan informacion ta safe y bon warda y tambe hopi lihe disponibe. HOH no ta e prome compania cu Setar ta 'host', pues nan tin experiencia caba cu companianan local y internacional, cu ta duna nos como directiva mas confiansa cu a haci e escogencia corecto, asina sr. Croeze ta indica.

Sr. Roland Croes, Director di Setar NV, a expresa cu awo lo brinda un servicio adicional na hospital. Den e 'datacenter' di Setar NV lo tin disponibel un total di dos 'racks' pa e 'servers' nobo di HOH. Ademas lo tin un conexcion di speed halto cu HOH di 1 gigabit. Awo cu e acuerdo aki HOH ta bira un di e clientenan grandi cu nos di Setar NV lo bay brinda e servicio aki na dje. Awo na Setar NV un



cliente por tin su data sigur sin cu e ta cay mirando cu tin backup. Un adelanto grandi pa Aruba y pa e cuido na Aruba y pa nos di Setar NV e ta un orguyo pa a haya e oportunidad pa ofrece e servicio aki na tur pashent di HOH.

Siendo un hospital cu tabatin 10.041 caso di hospitalisacion aña pasa, a trata 34.161 pashent na Departamento di Emergencia, su specialistanan hunto tabatin 84.694 consulta, a opera 6670 pashent y a yuda 878 baby nace,

ta obvio cu e cantidad di informacion di pashent ta grandi. Y ta necesario pa e ta warda na un luga sigur y accesibel. Y aki ta caminda cu Setar a cay aden y a haci e bida di e empleadonan hopi mas facil y proceso ta bira mas eficiente.



Feliz Dia di Ascension, Aruba!

En conexcion cu Dia di Ascension nos lo ta cera henter dia ariba Diahuebs 29 di mei y Diabierna 30 di mei 2025.

Den caso di emergencia por yama libremente nos Storingsdienst na 523-7147.

AFTA TA PRESIDI CONFERENCIA INTERNACIONAL

Aruba Fair Trade Authority (AFTA) ta e autoridad independiente cu ta promove competencia husto y efectivo na Aruba. Hopi pais tin un autoridad similar pa garantiza cu e mercado ta funciona manera debe ser pa consumidornan y negoshinan.

Na cuminsamento di mei, AFTA a participa na un conferencia anual di Red International di Competencia (ICN, International Competition Network) cual a tuma lugar na Edimburgo, Escocia. ICN ta un organisacion na cual practicamente tur autoridadnan di competencia rond mundo ta miembro di dje. Durante e conferencia aki, cual a dura tres dia, a comparti desaroyonan den e area di ley di competencia den diferente pais, y hopi contacto a wordo estableci y fortalece cu dirigentenan di otro autoridadnan di competencia y cu organisacionnan internacional manera Comision Europeo y OECD. Presidente di e Consejo di Directiva, Roly Sint Jago, a bisa tocante di esaki: “Cooperacion cu autoridadnan di competencia di otro pais ta fortalece AFTA. Esaki ta wordo refleha tambe den nos investigacionnan tocante empresanan internacional cu ta opera na Aruba. Nos no ta para nos so y nos retonan no ta unico.”

AFTA a tuma e iniciativa pa organisa un sesion special

tocante y pa “economianan di isla chikito” durante e conferencia. E asistencia na e sesion aki tabata grandi y e interaccion tabata anima. Economianan insular chikito ta enfrentando hopi retonan comun. Durante e sesion, cu a ser presidi pa e director di AFTA, Ernesto Kross, representantenan di Islandia, Nueva Caledonia, Jersey y Polinesia Frances tambe a duna un charla. A trata temanan manera e competencia deficiente den transporte di container, efectonan di acuerdonan di importacion exclusivo, gastonan di bida haltu y e importancia pa haci estudio general di mercado. E publico tambe a trece ideanan interesante dilanti. E sesion special aki a resulta di satisfice e necesidad pa intercambia puntonan di bista tocante e retonan cu islanan chikito ta enfrentando. A palabra cu proximo anja lo presta mas atencion na islanan chikito durante e congreso cu lo wordo organisa na cuminsamento di mei na Manila, Filipina.

Ta usual den e conferencia aki cu delegacionnan di autoridadnan di competencia ta wordo acompaña pa e asina yama Conseheronan No-Gubernamental. Hopi biaha nan ta academiconan of abogadonan. AFTA lo acerca Universidad di Aruba y Colegio di Abogadonan pa explora si na Aruba tin e disponibilidad, pa asina otro aña forma parti di e delegacion Arubano na e conferencia aki ariba



propio gastonan. Consejo di Directiva di AFTA ta mira e importancia di inverti, hunto cu otro partidonan interesa, den desaroyo di conocimiento tocante e reglanan di competencia, cu ta relativamente nobo na Aruba.

AFTA ta sigui comprometi cu e optimalisacion di competencia na Aruba y cu evita cu negoshinan ta abusa di nan posicion di poder pa asina negoshinan haci nan esfuerzo maximo pa satisfice e necesidadnan di e consumidor.

Desde di oktober e aña aki, AFTA tambe lo supervisa cumplimiento cu e derechonan di e consumidor. Den caso di violacion colectivo di e derechonan di e consumidor, AFTA por tuma medida di ehecucion. E obhetivo di competencia optimal y proteccion di e consumidor ta pa
Datum 26 MEI 2025

Ons Kenmerk AFTA-P-001/25 logra baha e prijsnan, variedad mas grandi, calidad mihor y productonan y servicionan

innovativo pa e consumidor. Negoshinan ta beneficia di condicionnan di competencia husto, un clima di inversion mihor y oportunidadnan mihor pa negoshinan nobo sin obstaculonan innecesario. Tur esaki pa stimula e crecimiento economico y e prosepridad di Aruba. Bishita e website www.afta.aw pa haya mas informacion tocante AFTA y pa wak e reportenan completo cu AFTA a publica. Si bo ta na haltura di un violacion di reglanan di competencia, tuma contacto cu AFTA.

ARUBA BANK WALK & RUN: 4 DIA DI ENERGIA, LOGRO Y VICTORIA!



Oranjestad - 26 di mei 2025 – Aruba Bank Walk & Run 2025 a finalisa exitosamente su 19 edicion, cu energia, pasion y un record nobo di participacion. E evento di 4 dia, cu a cuminsa dialuna 19 di mei, cu 100 participante adicional den conmemoracion di Aruba Bank su 100 aña di existencia. Un accion simbolico pa celebra un siglo di union y compromiso cu nos comunidad.

For di e prome dia na Paradera Drive Thru Center, e caminata di 5.5km cu DJ 101 y MC Glennon a trece un dushi ambiente, cu

hende di tur edad canando y disfrutando hunto. E segundo dia, tawata na Joe Laveist, San Nicolas, e tercer dia tabata un ruta nobo den districto di Noord. E careda a sali for di Centro di Bario Noord, un ruta desafiante. Finalmente, e evento a culmina na sucursal di Camacuri, caminda participantenan cu a completa tur 4 dia y mas di 20km a ricibi nan “Victory Coin” merecidamente, como simbolo di e logro.

E ambiente positivo y union a domina tur e 4 dianan. E clausura di e evento a conta cu animacion di Groove Masters y tambe tawata tin e parti oficial di entrega di premio na e atletanan sobresaliente. Aruba Bank ta sumamente orguyoso di mira un multitud asina grandi di hende subi caminda pa 4 dia consecutivo. Un palabra di gradicimento na Subway & IBISA, e partnernan principal di e evento, na Cuerpo Policial, Rode Kruis, Volunteer Motor Unit, Patrishi Sports, Excelencia Catering, Michael Salazar y nos boluntarionan dedica.

Ganadornan a ser escogi segun e total di tempo durante e 4 dianan. Aruba Bank y Subway a presenta premionan special na e participantenan cu a logra e mihor resultado general.

Un Walk & Run inolvidabel y un aniversario historico.

E resultado di e Aruba Bank Walk & Run 2025 ta como lo siguiente:

Top 5 ganador masculino: 1. Christiaan Jansen 2. Wyndel Beyde 3. Jeon Fernandes 4. Rodrick Ras 5. Dylan Giel

Top 5 ganador femenino: 1. Rebecca Jansen 2. Lana Gobert 3. Jouraima Koolman-Ras 4. Zivah Croes 5. Karin Den Ouden

Top 3 teams: 1. Powerpuff Runners 2. Tarabana Runners 3. ER Green Runners



Categoria u-20: femenino 1. Ginny C M Tromp 2. Kidagakash Galea 3. Zailha Lanoy 4. Jolaine Dubero 5. Priscilla Cardona Torres. Masculino: 1. Xyon Jacobs 2. Gregory Wernet 3. Dy-Onn Courtar 4. Niurick Penja 5. Antoine Pina.

Categoria 20 – 24: femenino: 1. Floor Van Uden 2. Danique Fasse 3. Zxavierra Hoek 4. Cindy-Anne Laclé 5. Jocelyn Martinez. Masculino: 1. Jord Broers 2. Ranzino Haseth 3. Brandon Melendez 4. Daan Peerenboom. 5. Kevin Anthony

Categoria 25 – 29: Femenino: 1. Juliandrah Rodriguez 2. Allyson Ponson 3. Juliene Duran Paez 4. Larissa Boxhoorn 5. Mariëlle Weltings-Spijker. Masculino: 1. Antonio Rangel 2. Shawn Tromp 3. Jair Willems 4. Wendell Lee 5. Alden Merite.

Categoria 30 – 34: Femenino: 1. Giralda Tromp 2. Orianna Ras 3. Michelle Every 4. Darelyn Koolman 5. Rachelle Henriquez. Masculino: 1. Gerald Nicolaas 2. Tristan Vermeulen 3. Filbert Thiel 4. Gilbert Maduro 5. Gedrick Croes.

Categoria 35 – 39: Femenino: 1. Marilinda Croes 2. Annemiek Niebeek 3. Jo-Anne Kock 4. Cynthia Van Der Weide 5. Vivian Vis. Masculino: 1. Kevin Sousa 2. Paul Evers 3. Jesus Galea 4. Efi Jimmy Croes 5. Jurrien Erasmus

Categoria 40 – 44: Femenino: 1. Andrea Brand 2. Gladys M Duarte 3. Liliana Rodriguez Acevedo

4. Monique P D Thijsen 5. Mary Fernando Molina. Masculino: 1. Ruliano Bernabela 2. Paul Bélony 3. Peter Veen 4. Alrric L Kock 5. Jonathan Abma

Categoria 45 – 49: Femenino: 1. Vanessa Harms 2. Shariska Winterdal 3. Mariela Fabus – Dijkhoff 4. Saskia Dirksz 5. Nelly De Cuba. Masculino: 1. Omar Maldonado 2. Elfrido Trimon 3. Fernando Villasis Clemente 4. Gino Kock 5. Angelo Piña

Categoria 50 – 54: Femenino: 1. Mileydys Verdecia 2. Gladys Maduro 3. Leonides Geerman 4. Filomena Paesch 5. Jo-Anne Solagnier. Masculino: 1. Herman Jansen 2. Revelino Giel 3. Elton Paula 4. Junior Semerel 5. Jorge Yarzagaray

Categoria 55 – 59: Femenino: 1. Esther Colina 2. Vivian Angela 3. Melushka Flanegin 4. Argenis Granados 5. Angela Dirksen. Masculino: 1. Richard Vries 2. Giovanni Nicolaas 3. Erick Laurence 4. Lloyd Wever 5. Pierre Richardson

Categoria 60+: Femenino: 1. Lucille Kock 2. Regina Giel 3. Digna Geerman 4. Raiza Fraser 5. Viveca Croes. Masculino: 1. Sigfried Godoy 2. Albertino Maduro 3. Chito Geerman 4. Armando Melendez 5. Rudolfo Geerman

Sigur un pabien tambe na tur participante cu a scohe pa cana tur 4 dia y reta nan mes pa #OwnYourVictory.

Hugo Themen ta participa den IWF Electoral Congress na Riyadh na Saudi Arabia



For di 23 pa 25 mei 2025 Hugo Themen a participa pa pais Aruba na e IWF Electoral Congress cu a tuma lugar den e ciudad di Riyadh na Suadi Arabia.

Den e Congreso Electoral aki tabata tin un participacion di 168 pais rond di mundo cu por a vota y ta forma parti di Internacional Weightlifting Federation. E congreso a wordo tene den e ballroom di Intercontinental Riyadh Hotel.

Dia 24 mei 2025 e Congreso Electoral a wordo habri cu palabra di Bon Bini na tur pais presente di HH Prince Fahad bin Jalawi Bin Abdulaziz Al Saud sigi pa Sr. Mohammed Jalood Preidente di International Weightlifting Federation.

Despues a sigi cu e eleccion pa eligi un IWF Executive Board nobo pa e periodo 2025-2029. Como presidente di IWF a wordo eligi Sr. Mohammed Jalood for di IRAK, Vice President Ms. Ursula Papadrea (USA), General Secretary Mr. Jose Quiñones (PER) Dos Vice Presidente nobo tambe a wordo elegi cu ta Mr. Mohammed Al-Harbi (KSA) y Mr. Chengliang



Liu (CHN) cu tambe lo forma parti como miembro di IWF Executive Board. Riba di dos dia a wordo elegi miembronan nobo pa e e siguiente Committee di IWF Executive Board cu ta pa Technical Committee, Coaching and Research Committee, Medical Committee, Development and Education Commission y Development and Education Commission.

Na final di e Electoral Congress e Presidente di International Weightlifting Federation

Mr. Mohammed Jalood ta gradici tur presente y ta desea nan tur un bon regreso pa nan pais.

Aruba Amateur Weightlifting Association kier a manda palabra di gradicimento na International Weightlifting Federation cu a cubri e gasto di viaje y estadia di Sr. Hugo Themen cu a representa pais Aruba como delegado den e IWF Electoral Congress na Riyadh na Saudi Arabia. Hugo Themen President di A.A.W.A.

TA BENDE: BBQ GRILL TIPO CRIYOYO I DURADERO



INFO JAMA: 5697787

PPA ta scucha y actua: SAN NICOLAS MERECE MAS INVERSION AWOR!

Pa Eduard Pieters, miembro activo pa partido PPA, esaki ta e tipo di progreso cu sigur mester di mas sosten. E impacto di e hotel Secrets Baby Beach Aruba na San Nicolas, lo bay hopi mas leu cu solamente empleo. “E hotel aki ta un “state of the art” den e mundo hotelero y un joya parti pazuid di Aruba. Nan a construi algo espectacular sin perde naturalesa y característica di e lugar. Pero e balor berdadero ta den su efecto riba e comunidad di San Nicolas y vecindario,” Pieters a indica.

Inversion mester sosode awor! Pieters ta papia di un efecto domino cu por cambia San Nicolas y vecindario completo: desde empleo local, brindando mas seguridad, incorpora infraestructura basico, cu ta e prome paso pa un ‘orange economy’ vibrante. “Nos ta kere den arte, cultura, baile, musica, y nos ta kere cu San Nicolas por bira un centro creativo, caminda turismo y expresion cultural ta topa,” el a agrega. Segun Pieters di PPA, e peticion di San Nicolas

Business Association ta hopi cla: inicialmente nan ta pidi luz, verf y mata pa dorna desde promenade bay pariba, specialmente unda e turistanan lo pasa. “Esaki no ta costa gobierno hopi, pero lo duna un sensacion di dignidad y invitacion pa bin pariba. E infraestructura mester sigui desaroya,” Pieters a declara. Secrets como un trampolin grandi Na mesun momento PPA ta lamenta masha, cu durante e town hall meeting, sr. Pieters tabata e unico representante politico activo presente.

E pueblo di San Nicolas merece un lider cu ta scucha y actua. Pa PPA, e desaroyo di Secrets Baby Beach Aruba no ta un meta final, pero un trampolin. Ta un demostracion cu si bo kier logra cambio real, bo mester pone pueblo prome, presenta plan concreto y actua riba e necesidadnan real. Pieters ta pone enfoke riba responsabilidad di gobiernopasiguicunplan integral pa infraestructura, seguridad y estimulacion di emprendemento local. Compromiso pa sigui lucha Tur hende ta papia di

diversificacion, pero ora bo wak cu un zona completo no ta haya ni un 1% di bo economia turistico, nos mester actua. “Nos mester pensa den futuro di nos hobennan. Nos mester crea un San Nicolas y vecindario, caminda un mama por traha, un tata por inverti, y un yiu por soña,” Pieters ta subraya. PPA ta compromete pa sigui defende e bos di pueblo, pa asina hiba nos isla na un futuro mas igual, caminda progreso no ta para na Palm Beach, pero ta yega den tur distrito, bario y cerca tur ciudadano.

Haya e regalo perfecto pa Dia di Tata ta facil cu Op=Op!

Dia di Tata ta cerca y e folder nobo di Op=Op Voordeelshop Aruba ta yena cu ofertanan riba perfume, tools pa BBQ, herment y tremendo descuentonan riba un variedad grandi di otro producto. No ta importa si bo Tata ta un "Grill Master", experto den DIY, of gusta un bon oferta , nos tin algo pa tur tata!




















FOR THE KING OF THE GRILL

 <p>59.⁹⁸</p>	 <p>8.⁵⁹</p>	 <p>23.⁹⁹</p>	 <p>10.⁹⁹</p>
 <p>6.⁵⁹</p>	 <p>9.⁹⁹</p>	 <p>12.⁹⁹</p>	 <p>96.⁹⁸</p>

Bishita Op=Op XXL Sasaki, Paradera of San Nicolas, y probecha di e miho prijsnan prome cu stock caba. Folder ta balido te cu Diadomingo,



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - May 26, 2025

 <p>Sorteo # 4632</p> <p>0218</p> <p>7037</p> <p>1625</p> <p> X2</p> <p> Sorteo # 4632</p> <p>8557</p> <p> X3</p> <p> Sorteo # 2688</p> <p>7670</p> <p> Sorteo # 4632</p> <p>7474</p> <p>Sagitario</p> <p> Sorteo # 1506</p> <p>416</p> <p> X2</p>	 <p>Sorteo #</p> <p>0 x Jackpot</p> <p>0 x Match 4+</p> <p>0 x Match 4</p> <p>0 x Afl. 12,00</p> <p>Joker Letter</p> <p>Proximo Jackpot</p> <p>550.000,-</p>	 <p>Sorteo #</p> <p>0 x Jackpot</p> <p>0 x Match 4</p> <p>0 x Afl. 8,00</p> <p>Proximo Jackpot</p> <p>55.000,-</p>	 <p>Sorteo #</p> <p>0 x Jackpot</p> <p>0 x match 4</p> <p>0 x Afl. 500,00</p> <p>0 x Afl 50,00</p> <p>0 x Afl. 15,00</p> <p>Mega Ball</p> <p>Proximo Jackpot</p> <p>350.000,-</p>	 <p>Afl. 480.000,-</p>	 <p>Sorteo #</p>	
--	---	---	--	---	---	---

55 ANIVERSARIO CENTRO DI BARIO NOORD (CBN): UN CELEBRACION DI COMUNIDAD, SOLIDARIDAD Y DEDICACION!

Noord, 25 di mei 2025

E aña aki Centro di Bario Noord (CBN) ta conmemora su di 55 hubileo, un logro cu ta demonstra no solamente e resiliencia di e organisacion, pero tambe su rol crucial cu e ta hunga den nos comunidad. Ya pa mas di cinco decada CBN ta fungi como fuente pa comunicacion, cultura y desaroyo pa e sociedad di Noord y alrededor.

Kico ta e rol di CBN den comunidad?

CBN ta mas cu solamente un centro den bario, e tambe ta e base unda hendenan ta topa, crece y unda ta crea un cohesion social por medio di programanan comunitario.

Door di organisa (of facilita) actividadnan pa esnan mas hoben te cu adultonan mayor, manera programanan educativo y eventonan cultural, CBN a sa di contribui grandemente na:

- Integracion social (conexion entre generacion y cultura).
- Desaroyo di idioma (via workshops, lesnan y proyectonan creativo).
- Sosten Comunitario(un lugar sigur pa gruponan vulnerabel).

Vision & Mision

- Vision: Un sociedad inclusivo unda tur hende por participa sin cu importa edad of descendencia.
- Mision: Crea oportunidadnan pa



desaroyo personal y colectivo door di traha hunto y cu involucmento di sociedad.

E conmemoracion di e hubileo aki no lo ta posibel sin e dedicacion y aporte di tur nos boluntarionan, hunta di directiva (di pasado y actual), personal di CBN y tur nos partnernan.

Pae motibo ey, awe nos ta duna un danki special na:

- Tur boluntarionan di CBN: boso curason y alma ta e motor CBN.
- Hunta di Directiva: pa boso liderazgo y vision durante tur e añanan cu a trascuri.
- Personal di CBN: boso trabou ta esencial y hopi aprecia.
- Partnernan: pa boso sosten y pa kere den nos.

Usuarionan structural di

CBN

- Chikitin Bin Bin
- Grupo Uni
- Grupo Flor di Bini Bini
- CBN Baseball
- CBN Volley
- CBN Domino
- Youth Power

Tur ta forma e fundeshi solido di nos existencia como CBN. Mayoria di e usuarionan structural aki ta haci uzo di e facilidad pa ya mas di 40 aña.

Por menciona cu CBN ta organisa anualmente diferente actividadnan cultural, y educativo manera:

- Celebracion di Himno y Bandera.
- Fiesta di Dera Gay.
- Carnaval di Noord (y tambe ta participa na Oranjestad y San Nicolaas).
- Feria y Spookhuis actividad di Halloween.
- Diferente charlanan.

Bario Unico

Cu orguyo CBN ta presenta Bario Unico. Cu sosten di nos partner Cede Aruba y coordina pa nos lider di programa, sra Ligia Croes Roza nos ta organisa programanan interactivo y educativo manera :

- Les di cuarta (formacion musical pa hobennan).
- Les di teatro (formacion musical pa hobennan).
- Les di Baile Folklorico (formacion musical pa hobennan).
- Conta storia (formacion di muchanan di 4 pa 6 aña).
- Les di Papiamento (formacion y integracion adultonan).

Tambe tin partnernan manera: 131 Telefon pa Hubentud cu ken CBN a cristalisa e proyecto di “Best Dad Ever”

Un otro partner ta

“Movecion ta Bida” unda conhuntamente nos ta brinda e programa di “Arte pa 60 plus “ cual ta enfoca riba e adulto mayor y grupo vulnerabel.

Mas di 100 hende di tur edad ta participa na e diferente proyectonan di CBN y ta bishita nos centro di bario semanalmente. CBN ta un centro cu ta bon concuri y unda tur hende ta bon bini hunto.

“Masha Pabien pueblo di Aruba - den particular Hopi Pabien na e comunidad di Noord cu e conmemoracion di e di diesun lustro di nos CBN! Laga nos conhuntamente sigui aporta y dedica di un of otro manera na nos centro di bario e proximo 55 ananan pa asina sigui garantiza un union duradero y fuerte!”

Prome Minister Mike Eman ta fortalece laso den Reino durante bishita oficial na Corsou



Den cuadro di su bishita na Corsou pa atende e Caribbean Climate & Energy Conference 2025, Prome Minister di Aruba, mr. Mike Eman, den su prome bishita oficial despues di a huramenta como Premier di Gabinete AVP-Futuro, a atende algun reunion esencial cu figuranan prominente

di Corsou. E bishita ta parti di un esfuerzo strategico pa reafirma y amplia e contactonan cu a establece durante añanan di colaboracion entre e islanan den Reino. Prome Minister Eman a cuminsa cu un dialogo strategico cu sra. Emily de Jongh-Elhage, ex-Prome Minister di

Antiyas Hulandes y actual Minister van Staat, un figura respeta pa su amplio conocimiento den maneho di gobierno insular. Tambe a tene reunion cu sra. Maria Liberia-Peters, tambe ex-Prome Minister di Antiyas Hulandes y Minister van Staat, pa fortifica e laso y colaboracion entre Aruba

y e otro partnernan den Reino. Ambos ta personanan cu ta cerca den curason di Prome Minister Eman, cu ken a comparti ideanan comun pa un relacion constructivo den Reino. Nan ta personanan cu hopi experiencia y conocimiento di e retonan cu e islanan den Reino ta enfrenta. Como ex-lider, nan a pasa den tempo di crisis y situacion di pobresa, pero a enfrenta esakinan cu curason y alma, semper cu e meta pa sirbi e pueblonan di Antiyas. E reunionnan aki ta subraya e compromiso

di Aruba pa sigui traha riba base di union, respet mutuo y desaroyo conhunto den Reino. Ademá, Prome Minister Eman a topa cu sra. Michèle Russel-Capriles, Waarnemend Gouverneur di Corsou, cu ken a comparti un vision cla pa futuro di naturalesa na Aruba. Durante e encuentro, a comparti e plan nacional di Aruba pa reforestacion pa proteha y trece bek nos naturalesa y recupera e identidad cultural di nos isla, como base pa sostenibilidad y bienestar di e pueblo Arubano.

Partido AVP:

PARLAMENTARIO SONALY

FERNANDEZ ACOSTA TA

CONTINUA CU SU LUCHA FOR DI

MINISTERIO DI ASUNTO SOCIAL

ORANJESTAD (Mei 2025)
- Despues di cinco luna intensivo y di aprendisahe como miembro activo di Parlamento di Aruba, Sra. Sonaly Fernandez Acosta ta anuncia di ta tuma un paso nobo como parti di su compromiso na e comunidad di Aruba. Pa prome di juni 2025, Sonaly lo sigui eherce su trabao como consehero strategico di Minister di Asuntonan Social den Gabinete AVP/FUTURO.

"Tabata sigur un gran honor di por a representa pueblo di Aruba como miembro di Parlamento. E experiencia aki a duna mi hopi claridad riba e proceso parlamentario y e necesidadnan di nos comunidad. Tambe a pone mi refleha unda mi por contribui di un manera mas fuerte cu e pasion y experiencia cu mi tin," segun Sra. Fernandez Acosta.

E transicion aki ta un



decision personal basa riba Sonaly su motivacion principal pa drenta e arena politico. E mision, particularmente ta enfoca riba e sector di social, entre otro, sosten pa e gruponan di mas vulnerabel den nos sociedad. Den e encargo nobo, Sonaly lo por traha mas cerca y ehecuta cambionan cu tin impacto profundo riba nos comunidad.

"Mi mision semper tabata pa trece cambio positivo unda e ta mas necesario.

For di e encargo nobo aki, mi ta sinti cu mi por yega mas cerca di e realidad di nos comunidad y purba duna forma na solucion concreto" segun Sra. Fernandez Acosta.

Sra. Fernandez Acosta ta gradici su coleganan den Parlamento y tur su votadonan cu a dun'e nan sosten y confiansa. Sonaly lo sigui entrega su mes pa un Aruba mas husto y inclusivo cu e mesun pasion y dedicacion cu semper el a bin ta haci.

SUDOKU

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	


	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

			8		1			
						4	3	
5								
				7		8		
						1		
	2			3				
6							7	5
		3	4					
			2			6		

Paga bo cuenta
online ta facil

Sea
Abonnement
of Aviso

Pago online,
facil y lihe



Pa hasi pago online pone number y adres na
cuenta di banco RBC Sunmax Printing
account # 7700000100152447

Minister Geoffrey Wever:
**Construyendo un Futuro Sostenibel:
Minister Wever den Panel
Strategico di DCALFA**



Kralendijk, 22 di mei 2025 – Minister di Finansa, Asunto Economico y Sector Primario, Geoffrey Wever, ta representando Aruba na Boneiro durante e conferencia anual di Dutch Caribbean Agriculture, Livestock, and Fisheries Alliance (DCALFA). E conferencia ta sirbi como un plataforma strategico pa fortalece cooperacion regional den sector agricola y pesca.

Delegacionnan di Aruba, Boneiro, Curacao, Saba, St. Eustatius, St. Maarten y Hulanda a bini hunto pa intercambia vision y conocimiento, y traha riba solucionnan conhunto pa mehora seguridad di cuminda, sostenibilidad y desaroyo economico local den e islanan.

Desde cu e prome Memorandum of Understanding (MoU) a ser firma den juni 2023, e islanan a compromete pa stimula produccion local y reduci dependencia di importacion. Un parti importante di e evento di e aña aki ta e serie di tayer tecnico cu ta cubri temanan crucial manera:

- Pesca y maneho di recurso marino
- Seguridad alimenticio y autosuficiencia
- Control di plaga y malesa
- Rol di sector priva den desaroyo agricola
- Involucracion di hubentud den futuro agricola

“Conferencianan manera DCALFA ta crea un espacio real pa explora inversion y cooperacion cu lo beneficia nos tur,” Minister Wever a indica.

E vision cu Aruba ta sigui ta conecta directamente cu e implementacion di e Agri-Innovation Park. Un estudio amplio – realiza den colaboracion cu PRIVA, Santa Rosa, TWO-Aruba y Hulanda – ya su prome fase ta finalisa y lo sirbi como fundeshi pa e creacion di un hub moderno pa produccion y conocimiento agricola na Aruba.

E Agri-Innovation Park lo ofrece infraestructura moderno y servicio logistico comparti pa agricultornan nobo y actual, elimina bareranan financiero y tecnico, y habri e sector pa posibilidad di participacion mas amplio. “Tur esaki ta pa fortifica nos resiliencia y diversifica nos economia den un manera sostenibel”, segun minister Geoffrey Wever.

Clasificados



SOLODIPUEBLO@GMAIL.COM
CEL.585 9500



Laga tur loke ta sperami ta bunita.
Laga tur locual cu mi encontra na caminda ta bunita.
Laga tur locual cu mi laga atras keda bunita.
Laga esakinan termina den tur buniteza.
Cado Wever.

Cu hopi tristesa, y alaves gradicido na Dios pa su bida,
nos ta anuncia cu a fayece cristianamente

**Juffrouw Judith Elizabeth
Lacé**

* 8 augustus 1942 † 23 mei 2025

Na nomber di su:
Mayornan:
†Mario “Mai” H. Lacé y †Winnie Lacé-Romero

Rumannan:
† Roland y † Jeanette Lacé y famia
Oscar y † Maria Lacé y famia
† Gladys Lacé y famia
Ethel y †Roberto “Robby” Lejuez y famia
† Eliette Lacé
† Frederich “Fechi” Lacé
Albert y Luz Elena Lacé y famia
Rudolf “Capi” Lacé y Sunny Pargas y famia
† John “Johnny” y Glenda Lacé-Maduro y famia
Mevris y Ruben Herrera-Lacé
Richard y Anna Marila Lacé-Geerman y famia

Subrina y subrinonan:
Maritza, Ludwig, Randolph, Ingela y famia
Mario, Sandra, Irene, Dorothy, Raymond y famia
Lisa, John, Owen, Clifford, Omar, Evelyn, Emeline y famia
Roberto, Jason, Marc “Jo”, Adamo, Nathan, Frank y famia
† David, Natalia, David Andres y famia
Pablo, Juliana, Diana, Rudolf y famia
Jo-Anne, Gerald, Marlène y famia
Rick, Marily-Anne, Barbara-Anne y Cindy-Anne

Y demas sobre subrino- y subrina nan
Manera ruman Elaine Duran

Tanta y Omo:
Sr Vdo. Victor (Toko) Winklaar y famia
Sra. Vda. Fabia Romero-Solognier y famia
Primo- y primanan, ihanan, bisiñanan, conocirnan,
ex coleganan di St. Rosa College y tur su ex-alumnonan
di St. Rosa College cu ela dedica tur e amor y pasenshi
pa nan ta bon hende nan catholico y sabi.

Y demas famia Lacé, Romero, de Cuba, Tromp, Lejuez, Campuzano, Pargas, Maduro, Herrera, Geerman, Pietersz, Nisbet, Garrido, Briesen, Justina, Desantis, Solognier, Winklaar, Castellanos, Kelly, Kock, Heronimo, Falconi, Croes, Farro, Jansen, Figaroa, Loefstop, Britten, Colmenarez, Nugteren, Schøyen, Koolman

Demas famia nan na Hulanda, Noorwegen, Corsow, Colombia, Venezuela.

Acto di despedida lo tuma lugar diarason 28 di mei 2025 di 8:00 pa 10:30
di mainta na Dominicanessenstraat 36 na Playa.

Pa 10:30 lo sali pa Pro-Cathedral San Fransisco na Playa y lo tin un respons, durante
respons no tin condolencia.

E respons ta cuminsa pa 11:00 di mainta y despues lo hiba Judith na su lugar di
descanso eterno na Santana Catholico na Playa.

Adres pa Condolencia: Dominicanessenstraat #36 di 6:00-8:00 pm.
Si den nos inmenso tristeza nos por a lubida un of otro familiar y conocir, nos disculpa.



FORTALEZA PA FAMILIA

Scirbi pa Pastor Marcel Balootje.

NOS TA BIBANDO DEN TEMPO TRABAHOSO Y PELIGROSO

Manera nos a bini ta spierta varios biaha caba, y awe nos kier splica un biaha mas, pasobra nos informacion ta sali for di e buki mas completo cu ta existi na mundo, cual ta e Bijbel.

Un buki cu ora hende no kier tende e Berdad, nan ta bisa cu ta hende a scirbi Bijbel, pero tin un cos cu hopi no sa, cu Bijbel a wordo scirbi pero inspira door di e Spirito di Dios.

Pesey ta para scirbi den 2 Timoteo 3:16-17: Tur Escritura ta inspira pa Dios, y ta util pa enseñansa, pa reprendemento, pa coreccion, pa educa den husticia. Pa e hende di Dios por ta perfecto, ekipa pa tur bon obra.

Y un di e prome cosnan cu nos a mira ta lanta cabes fuertemente den e ultimo tempo aki, cu tur caminda ta wordo bisa cu hende no por ta perfecto, siendo cu Dios a hinca nos curpa perfectamente den otro.

Hende a lubida riba temor di Dios y santidad, esey ta nifica cu sigi dal bay den inmoralidad. malisia, den tur clase di bagamunderia, pasobra hende no ta perfecto.

Ni tampoco por bira perfecto y asina manera ta para scirbi cu hende lo trose y rechasa e palabra di Dios, cual ta para scirbi, sin lubida cu esun cu ta rechasa Palabra di Dios, ta rechasa Dios mes.

Un biaha mas nos kier recorda nos mes y tur hende locual tin para scirbi den Mateo 5:48 bisando: Boso mester ta perfecto mescos cu boso Tata cu ta den cielo ta perfecto.

Locual tin para scirbi de 1 Pedro 1:14-15. Tambe locual ta para scirbi den Hebreonan 12:14 cual ta bisa pa nos. Pa aspira pa tin pas cu tur hende y santificacion, sin cual ningun hende lo no mira Dios.

Anto ainda falta e gran encargo cu Dios a duna den Efesionan 4: 11-13 bisando Y e mes a duna algun como Apostol, y algun como Profeta, y algun como Evangelista, y algun como Pastor y Sinjado.

Pa ekipa e santonan pa e trabao di sirbishi, pa edifica e curpa di Cristo, te ora nos tur yega na e Unidad di Fe, y di e conocimiento di e Yiu di

Dios, na bira un homber madura, na e midi, di estatura y plenitud di Cristo.

Pesey ta masha importante pa sinja hende locual ta corecto, locual ta biblico, locual ta bini for di boca di Dios, y no inventa, ni tampoco trose e palabra di Dios y asina complace y hinca hende den confusion, pasobra importante ta pa nos biba e palabra di Dios, y demostra nos fieldad na Dios.

Den 2 Timoteo 3:1-5 Pablo ta adverti no



solamente Timoteo, pero un advertencia na nos tur, cu den e ultimo dlanan lo bini temponan trabahoso.

Y awor locual nos ta mira ta sosode, cu tin mayor cu aunke nan ta mira nan yiu ta haci malo toch nan no ta coregi, pero nan ta laga e hoben haci locual

cu e kier, y nan ta wordo manipula facilmente, pasobra nan mes tin miedo di nan yiu, y esaki ta bini cu for di chikito nan a negligisha coreccion y disciplina, y awor cu e muchanan a bira grandi, mayor ta djoin the party den bagamunderia.

Oracion di dia

Un dia fructifero y cu e luz di Cristo por briya den cada un di nos

"... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconece nos faltanan. Nos por ta manera e fariseo husgando otro y halsando su mes of manera e cobrado di belasting ta reconece su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa voluntad.

Amen.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo